



Ketouvim (hagiographies) - Chroniques II

Chapitre 17

- 17,1 וַיִּמְלֹךְ יְהוֹשָׁפָט בְּנוֹ, תַּחֲתָיו; וַיִּתְחַזֵּק, עַל-יִשְׂרָאֵל.
- 17,2 וַיְהִי-חֵיל--בְּכָל-עָרֵי יְהוּדָה, הַבְּצֻרוֹת; וַיִּתֵּן גְּצִיבִים, בְּאֶרֶץ יְהוּדָה, וּבְעָרֵי אֶפְרַיִם, אֲשֶׁר לְכַד אֶסָּא אֲבִיו.
- 17,3 וַיְהִי יְהוָה, עִם-יְהוֹשָׁפָט: כִּי הָלַךְ, בְּדַרְכֵי דָוִיד אֲבִיו הָרָאשִׁים, וְלֹא דָרַשׁ, לְבַעֲלִים.
- 17,4 כִּי לֹא־לֵהִי אֲבִיו, דָּרַשׁ, וּבִמְצֹתָיו, הָלַךְ; וְלֹא, כְּמַעֲשֵׂה יִשְׂרָאֵל.
- 17,5 וַיִּכֹּן יְהוָה אֶת-הַמַּמְלָכָה בְּיָדוֹ, וַיִּתֵּן כָּל-יְהוּדָה מִנְחָה לַיהוֹשָׁפָט; וַיְהִי-לוֹ עֶשֶׂר-וָכַבֹּד, לָרֹב.
- 17,6 וַיִּגְבֶּה לְבֹו, בְּדַרְכֵי יְהוָה; וְעוֹד, הִסִּיר אֶת-הַבָּמֹת וְאֶת-הָאֲשֵׁרִים--מִיְהוּדָה. {פ}
- 17,7 וּבִשְׁנַת שְׁלוֹשׁ לְמַלְכוֹ, שָׁלַח לְשָׂרָיו לְבֶן-חֵיל וְלַעֲבֹדְיָה וְלִזְכָּרְיָה, וּלְגַתְנָאֵל, וְלַמִּיכָהוּ--לְלַמֵּד, בְּעָרֵי יְהוּדָה.
- 17,8 וְעַמָּהם הַלְוִיִּם, שָׁמְעִיהוּ וְנִתְנִיָּהוּ וְזַבְדִּיָּהוּ וְעִשָּׂהאֵל וּשְׁמִירָמוֹת (וּשְׁמִירָמוֹת) וַיְהִינָתָן וְאַדְנִיָּהוּ וְטוֹבִיָּהוּ וְטוֹב אֲדוֹנִיָּה--הַלְוִיִּם; וְעַמָּהם אֲלִישָׁמַע וַיהוֹרָם, הַכֹּהֲנִים.
- 17,9 וַיִּלְמְדוּ, בִּיהוּדָה, וְעַמָּהם, סֹפֵר תּוֹרַת יְהוָה; וַיִּסְבּוּ בְּכָל-עָרֵי יְהוּדָה, וַיִּלְמְדוּ בָעָם.
- 17,10 וַיְהִי פֶחַד יְהוָה, עַל כָּל-מַמְלָכוֹת הָאֲרָצוֹת, אֲשֶׁר, סָבִיבוֹת יְהוּדָה; וְלֹא גָלְחָמוּ, עִם-יְהוֹשָׁפָט.
- 17,11 וּמִן-פְּלִשְׁתִּים, מִבְּיָאִים לַיהוֹשָׁפָט מִנְחָה--וָכֶסֶף מִשָּׂא; גַּם הָעֶרְבִיָּאִים, מִבְּיָאִים לוֹ צֹאן, אֵילִים שְׁבַעַת אֲלָפִים וְשֶׁבַע מֵאוֹת, וַתִּישִׁים שְׁבַעַת אֲלָפִים וְשֶׁבַע מֵאוֹת. {פ}
- 17,12 וַיְהִי יְהוֹשָׁפָט הָלַךְ וְגָדַל, עַד-לְמַעְלָה; וַיִּבֶן בִּיהוּדָה בִּירְנוֹת, וְעָרֵי מִסְכְּנוֹת.
- 17,13 וּמִלֵּאכָה רַבָּה הָיָה לוֹ, בְּעָרֵי יְהוּדָה; וְאֶגְשֵׁי מַלְחָמָה גְּבוּרֵי חֵיל, בִּירוּשָׁלַם.
- 17,14 וְאַלְהָ פְקֻדָּתָם, לְבֵית אֲבוֹתֵיהֶם: לַיהוּדָה, שָׂרֵי אֲלָפִים-- {ס} עֲדָנָה הַשָּׂר, וְעַמּוֹ גְּבוּרֵי חֵיל שְׁלֹשׁ מֵאוֹת אֲלָף. {ס}
- 17,15 וְעַל-יָדוֹ, יְהוֹתָנָן הַשָּׂר; וְעַמּוֹ, מַאתִים וְשָׁמוֹנִים אֲלָף. {ס}
- 17,16 וְעַל-יָדוֹ עַמְסִיָּה בֶן-זִכְרִי, הַמִּתְנַדֵּב לַיהוָה; וְעַמּוֹ מַאתִים אֲלָף, גְּבוּרֵי חֵיל. {ס}
- 17,17 וּמִן-בְּנֵימִן--גְּבוּרֵי חֵיל, אֲלִידָע; וְעַמּוֹ נֶשְׁקִי-קֶשֶׁת וּמִגֵּן, מַאתִים אֲלָף. {ס}
- 17,18 וְעַל-יָדוֹ, יְהוֹתָנָד; וְעַמּוֹ מֵאה-וְשָׁמוֹנִים אֲלָף, חִלּוּצֵי צָבָא. {ס}
- 17,19 אֵלֶּה, הַמִּשְׁרָתִים אֶת-הַמֶּלֶךְ: מִלְּבַד אֲשֶׁר-נָתַן הַמֶּלֶךְ, בְּעָרֵי הַמְּבָצָר--בְּכָל-יְהוּדָה. {פ}



Voyons plus clair

Une mise en perspective des grandes thématiques de l'actualité à la lueur de l'érudition juive véritable.

Commandez : Tel. (Fr) : +33.1.80.91.62.91 - (Isr) : +972.77.466.03.32 - www.torah-box.com/editions